

## An Ghaeilge i dTeach Laighin

### Ceist 1

Beidh tú ag féachaint ar ball ar thuairisc faoi stádas na Gaeilge sa pholaitíocht. Féach ar an tuairisc uair amháin agus pléigh an cheist seo leis an duine in aice leat:

Cé mhéad den eolas a d'éirigh leat a thuiscint, bunaithe ar na pictiúir agus ar eolas ar bith eile a bhí agat cheana féin?

### Ceist 2

Seo stór focal a bhí le cloisteáil sa tuairisc. Ag obair leis an duine in aice leat ceangal na focail ar chlé leis na focail ar dheis.

- |                               |                                      |
|-------------------------------|--------------------------------------|
| 1. fluent Irish               | (a) a ghríosú                        |
| 2. leaders                    | (b) sochaí                           |
| 3. the main political parties | (c) ceannairí                        |
| 4. commentator                | (d) an díospóireacht                 |
| 5. recognition                | (e) leas                             |
| 6. a central part             | (f) a ré                             |
| 7. society                    | (g) tráchtair                        |
| 8. appointed                  | (h) cuspóirí                         |
| 9. his duration/era           | (i) Gaeilge líofa                    |
| 10. to encourage              | (j) aitheantas                       |
| 11. to inspire                | (k) cuid lárnach                     |
| 12. aims                      | (l) an teanga oifigiúil              |
| 13. the debate                | (m) ceaptha                          |
| 14. the official language     | (n) na príomhpháirtithe polaitíochta |
| 15. benefit                   | (o) a spreagadh                      |

1	2	3	4	5	6	7	8	9	10	11	12	13	14	15
<i>i</i>														

### Ceist 3

Féach ar an tuairisc don dara huair. An bhfuil na ráitis thíos fíor nó bréagach?

- |  |                      |
|--|----------------------|
| 1. Don chéad uair i stair na tíre tá Gaeilge líofa ag na mórcheannairí polaitíochta anois. | <b>Fíor/Bréagach</b> |
| 2. Ba léir ó óráid Brian Cowen nach mbeadh aon tábhacht ag baint leis an nGaeilge ina ré.  | <b>Fíor/Bréagach</b> |

3. Tá níos mó cainteoirí Gaeilge ag Fine Gael ná aon pháirtí eile. **Fíor/Bréagach**
4. Níl ach 20% de pholaiteoirí Fhianna Fáil in ann an Ghaeilge a labhairt. **Fíor/Bréagach**
5. Tá an Ghaeilge ina teanga oifigiúil san Aontas Eorpach ó thús na bliana seo caite. **Fíor/Bréagach**

**Ceist 4**

(a) Bhí an uimhir iolra de na focail seo thíos le cloisteáil sa tuairisc, cad iad?

ceannaire	_____
príomhpháirtí	_____
Teachta Dála	_____
tráchttaire	_____
cuspóir	_____
comhghleacaí	_____
Gaeilgeoir	_____
rud	_____

(b) Tá patrún le feiceáil leis na focail thuas san uimhir iolra, cad é?

**Ceist 5**

(a) Cén uair a úsáidtear na huimhreacha seo a leanas:

**Na horduimhreacha**  
**Na huimhreacha pearsanta**

(b) Bain úsáid as an fhocal 'uair' leis na rialacha a bhaineann leis na horduimhreacha a léiriú ó 1-10.

(c) Bain úsáid as an fhocal 'polaiteoir' leis na rialacha a bhaineann leis na huimhreacha pearsanta a léiriú ó 1-10.

**Ceist 6**

Pléigh na ceistanna seo leis an duine in aice leat nó le do ghrúpa:

Cén tábhacht a bhaineann le Gaeilge a bheith ag ceannairí na tíre?  
An síleann tú go mbeidh an Ghaeilge mar theanga oibre sa Dáil choíche?  
Ar cheart go mbeadh an Ghaeilge éigeantach sa chóras scolaíochta?

## Treoracha agus Freagraí

### Ceist 1

Tá an cheist seo le plé sula gcuirtear an mhír ar siúl.

### Ceist 2

1	2	3	4	5	6	7	8	9	10	11	12	13	14	15
<i>i</i>	<i>c</i>	<i>n</i>	<i>g</i>	<i>j</i>	<i>k</i>	<i>b</i>	<i>m</i>	<i>f</i>	<i>o</i>	<i>a</i>	<i>h</i>	<i>d</i>	<i>l</i>	<i>e</i>

### Ceist 3

Fíor

Bréagach

Bréagach

Fíor

Fíor

### Ceist 4

(a)	ceannaire	<i>ceannairí</i>
	príomhpháirtí	<i>príomhpháirtithe</i>
	Teachta Dála	<i>Teachtaí Dála (teachtaithe)</i>
	tráchttaire	<i>tráchtairí</i>
	cuspóir	<i>cuspóirí</i>
	comhghleacaí	<i>comhghleacaithe</i>
	Gaeilgeoir	<i>Gaeilgeoirí</i>
	rud	<i>rudaí</i>

(b) Tá na deirí céanna ag na grúpaí seo:

- ceannairí, Teachtaí, tráchtairí, cuspóirí, Gaeilgeoirí agus rudaí
- príomhpháirtithe agus comhghleacaithe

### Ceist 5

(a) Na horduimhreacha – the 1<sup>st</sup>, the 2<sup>nd</sup>, the 3<sup>rd</sup> agus araile  
Na huimhreacha pearsanta – ag comhaireamh daoine

(b) Na horduimhreacha

An chéad uair

An dara huair

An tríú huair

An ceathrú huair

An cúigiú huair

An séú huair

An seachtú huair

An t-ochtú huair

An naoú huair

An deichiú huair

(c) Na uimhreacha pearsanta

Polaiteoir amháin

Beirt pholaiteoirí

Triúr polaitheoirí

Ceathrar polaitheoirí

Cúigear polaitheoirí

Seisear polaitheoirí

Seachtar polaiteoirí  
Ochtar polaiteoirí  
Naonúr polaiteoirí  
Deichniúr polaiteoirí

**Ceist 6**

Is féidir gach beirt a chur ag déanamh an phlé seo agus ansin na ceistanna a phlé leis an rang iomlán.

**Eimear Ní Chonaola**

Don chéad uair i stair na tíre tá Gaeilge líofa ag ceannairí na bpríomhpháirtithe polaitíochta ar fad anois. Cé nach labhraíonn ach níos lú ná an cúigiú cuid de na Teachtaí Dála Gaeilge líofa, deir tráchtairí gur ré nua é seo ó thaobh aitheantais don teanga mar chuid lárnach dár sochaí. Seo í Grett O'Connor.

**Grett O'Connor**

Sa chéad óráid a thug Brian Cowen tar éis dó a bheith ceaptha mar cheannaire ar Fhianna Fáil thug sé le fios go mbeadh blas Gaelach ar a ré mar Thaoiseach.

**Brian Cowen**

Is é atá á mholadh agam ná stádas na teanga a ardú agus sochaí na tíre a spreagadh agus a ghríosú chun cuspóirí ár sinsear a bhaint amach.

**Grett O'Connor**

Tá an Ghaeilge ar a thoil ag ceannaire Pháirtí an Lucht Oibre Éamonn Gilmore chomh maith. Agus labhraíonn ceannaire Fhine Gael, Enda Kenny, an Ghaeilge go rialta. Ach níl a lán dá gcomhghleacaithe i dTeach Laighin ábalta iad a fhreagairt. Seachtó seacht Teachta Dála atá ag Fianna Fáil, níl Gaeilge líofa ach ag cúigear déag acu, sin fiche faoin gcéad. Tá fiche faoin gcéad de Theachtaí\* an Lucht Oibre in ann Gaeilge a labhairt freisin. Cúigear as fiche. Níl ach cúigear Gaeilgeoirí as caoga a haon ag Fine Gael.

**Tomás Ó Ceallaigh, Léachtóir le Cumarsáid GMIT**

Má tá siad dáiríre mar gheall air caithfidh siad rudaí tábhachtacha a rá i nGaolainn. Agus, is dóigh liom gur léiríodh é sin an tseachtain seo caite nuair a bhí an díospóireacht idir Brian Cowen agus Enda Kenny, gur tharla sé le linn cheisteanna ar an Taoiseach, nó ar cheannaire an rialtais, agus gur chuir daoine suim ann dá bharr sin.

**Grett O'Connor**

Tá an Ghaeilge ina teanga oifigiúil againn ó bunaíodh an stáit agus ina teanga oifigiúil san Aontas Eorpach ó thus na bliana seo caite. Mar is léir ón áit ina bhfuilim i mo sheasamh tá stair fhada chraoltóireachta ag an nGaolainn ach anois ós rud é go bhfuil triúr de mhórchéannairí polaitíochta an stáit in ann í a labhairt b'fhéidir go gearr go mbainfear leas aisti mar theanga oibre i dTithe an Oireachtais. Grett O'Connor, Nuacht TG4, i mBaile na hAbhann, i gContae na Gaillimhe.

\* *teachtaithe* a deirtear